



Sulisut sinnisaannut

Allagaq paasissutissanik kajumissaarutinillu
imalik SIK-p isumaqatigiissutai malillugit sulisut
sinnisaannut



Sulisunut sinniisuuninni iluatsilluarina!

SULINERMIK Inuussutissarsiuteqartut Kattuffiata SIK-p sulisut sinniisaattut suliaqarumanerit pingaartittorujussuua. Suleqativit sinniisorerusullutit toqqarmatsit tamanna tatiginninnertut angisuutut isigisariaqarpoq. Sulisunut sinniisuuninni iluatsilluarputittooq.

Periarfissat suliassallu soqtiginartorpassuuusinnaasut sulisunut sinniisuugaanni misigineqarsinnaasarput. SIK-milu nalunngilarput taamatut tatigisaalluni qinigaaneq pingaartumik aallaqqaaammut imaannaanngitsusuusinnaasoq. Kisianni SIK-p najukkanni immikkoortortaqarfia (imaluunniit kattuffiup allattoqarfia) tamatigut saaffigisinnavaat tapersersortissarsiorludit siunnersorneqarusullutilu. Tassanimi aamma attaveqaqati-giinnermik pissarsinarluartumik pilersitseqataasinnaavutit.

Sulisartut kattuffissuanni nuna tamakkerlugu ingerlatsiviusumi SIK-mi illit pingaaruteqartumik inissisimasunut ilaavutit.

Naqitaaraq, imaluunniit allagaq, una sulisut sinniisaannut nutaanut “pisoqqanullu” isumagisassat suusinnaanerinik ilisimatitsissutaallunilu eqqaasitsissutaavoq sulilluar-nissamut iluaqutaaniartussaq. Sulilluarina!

Jess G. Berthelsen
Siulittaasoq

A handwritten signature in blue ink, appearing to read "J.G. Berthelsen".

Sulisunut sinnisaaneq

Sunniuteqarnissamut ammaassisooq

SULISUT sinnisaat imaannaanngitsunik, aammali soqtiginartunik nuannersortaqtunillu, isumagisassarpaaloqarpoq. Tatigisaallutit qinigaaffigisat sulisartut kattuffe-garneranni pinngitsoorneqarsinnaanngilaq. Suleqatitit sinnerlugin sulisitsisunut sassartauuvutit.

Suleqatitit SIK-p sulisitsisunik isumaqatigiissutai malillugit sulisuuusut sinniisuuffigaatit. Aammali atassuteqaataavutit pingartoq – kattuffiup SIK-p, taassuma immikkoortortarifiata, suleqativit sulisitsisullu akornanni.

Tassa sorpassuartigut suleqativit SIK-lu pingaartitarilluinnarpaatsit. Sulisut sinnisaat-tut nutaanik isumagisassaqalerlutilu suliassaqalertassaatit, tamatumanilu suliassatigut ilisimasaqnererit inuttullu sunniuteqarsinnaanerit atorfissaqarlualertassapput.

Piumassuseqqortuneq, naleqqussarsinnaaneq aamma suleqatiginnissinnaaneq pinngit-soorneqarsinnaanngillat.

Suleqatiginnissinnaanerit amerlasuutigut misilinneqartarumaarpoq – eqqaamajulli saaffigisinnaasannik attavigisassaqaravit. Suleqativit tapersersussavaatsit – aammalu sulisartut peqatigiiffianni SIK-milu paasisimasalinnik siunnersortissaqartuaannaravit.

Eqqaamajuk: Suulluunniit namminneq takkunneq ajorput! Kialuunniit pisinnaasai kille-qartarput, sorpassuit ilikkarneqarsinnaapput, ullullu ingerlaneranni paasisaqalernar-tarpoq.



Isumagisassat suliassallu

Sulisut sinnisaat suleqatigiit oqaaseqartartoraat

SULEQATIGINNINNIKKUT sunniuteqarnikkullu suliffissi ineriarornera sulisunut ilua-
quissanngortissinnaavat. Suleqativit sulisitsisullu aaqqiagiinngissutaannik isuma-
qatigiinngissutaannillu – taamatullu aamma suleqativit akornanni aaqqiagiinngissuti-
nik isumaqatigiinngissutinillu – aaqqiiniarnikkut tamanut iluaqutaasussanik angusa-
qarsinnaavutit. Isumaqatigiissutinik inatsisinillu suliffeqarnermut atuuttunik ilisimasa-
qalissaatit. Taamalu sulisitsisorsi peqatigigaangakku suleqatissatut nikananngitsutut
imminut takutittassaatit.

Sulifimmi pisortaasut suleqativillu atassuteqaataattut isumassarsianik, kissaatigisanik
paasissutissanillu oqariartuuteqartassaatit.

Sulisartut peqatigiiffiata attaveqarfingisavit kattuffiillu SIK-p qujaruttassaqaat sulisunik
nutaanik ilaasortanngortitsigaangavit.

Immikkoortortaqarfik ilaasortaaffigisat kattuffillu aamma tassaapput tapersersortis-
sarsiorfigalugit siunnersortissarsiorfigalugillu saaffigisinnaasatit suliffinni sulisut sin-
niisaattut isumagisassaqalaengavit. Assersuutigalugu pineqartoq tassaasinnaavoq
isumaqatigiissutit sulinissinnut tunngaviusut eqqortinneqarnissaat.

Sulisut sinnisaattut suliassatigut misilitakkatit amerliartortillugit paasilissavat sulias-
sat ilaat imaannaanngitsuusut. Taamaattoqartillugu misilittagalinnut allanut paasini-
aaeq iluaqutaasarloq – nangaanak aperisarit. Aamma www.sik.gl ilisamasassarsior-
figiuk.



Nalunngiliuk?

- SIK-p isumaqatigiissutai tun-
ngavigalugit sulisut sinnisaat
321-ummata.
(Januaari 2020)



Suliassat pissanganartut

Illit inuttut piginnaasannik pitsaasunik atorfissaqartitsiviusut

SULISUT sinnisaat pissanganartunik suliassaqartaannarput, tamatumanilu inuttut piginnaasat pitsaasut atorfissaqarlualertarput. Tusarnaarnermut, siunnersuinermut ilitsersuinermullu piginnaanitit ineriertortissavatit – suliassanut tunngasuunnaangitsutigut, aammali inuttut pisinnaasatigut.

- Tatiginninneq imminullu tatigineq ineriertortissavatit.
- Suleqatiginisinnaanermut, ataqtigisaaqarlisinnaanermut paasissutissiisinnaanermullu pikkorinnerulerusupputit.
- Paasisaqarusuttuuvutit, pisinnaasaqarnerulerusupputit isummersorusullutilu – taamalu pikkorissarnernut peqataasassaatit sulisoqarnermullu tunngasutigut politikki malinnaaffigalugu.
- Suleqativit SIK-mut ilaasortaanissaat soqutigisarivat.
- Aallarnisaallaqqisserusupputit. Ilinniassavat qanoq iliussasutit suliffigisanni isumaqatigiissutit imaluunniit malittarisassat malinneqanngippata.

Illit aamma SIK-mi peqatigiinneq

Peqqinnarnerusumik pitsaanerusumillu sulinissaq anguniagaralugit

AAMMA illit Kattuffimmut sinnisuuvutit, sulisartut kattuffiata naleqartitai saq-qummiuttarpatit. SIK-mi peqatigiinnermut ataqtigisaaqarnermullu ilaavutit. Peqatigiinneq ataqtigisaaqarnermullu ajunngitsorsiassanik attassiniarnissamut aammalu peqqinnarnerusumik pitsaanerusumillu sulinissaq pillugit ilungersuuteqarnermut nukissaqaler-sitsissaaq. Suleqativit sinnisuuffigisavit iluaqtissaat sunniuteqarnissaallu pillugit suliniarnermut nukissaqalersitsissaaq.

Eqqaamajuk: Tamatta immitsinnut pisariaqartippugut! Peqatigiinneq siunissaqarpoq!



Ilaquattatit

Tunuliaquattatit pingaaruteqarluinnarput!

PIFFISSAP annerusup inunnik allanik, tassa suleqatinnik sulisartullu kattuffiata im-mikkoortortaqarfiani ingerlatsisunik, oqaloqateqarnermut atortariaqalernissaa sulisut sinnisaattut piareersimaffigissavat. Tassani pingaaruteqarpooq pingaartitavit – tassa ilaquttavit aamma suliffivit – sumiginnannginnissaat!

Ilaquattatit ikinngutitillu pissusissamisoortumik piffissaqarfingineqarusupput. Kissati-gaammi inuunerminni – inuunissinni – akuussasutit! Aammami ilaquattatit inuuninnut akoorusupput. Tamanna pissusissamisoorpoq.

Tassami illit, ilaquattatit suliffiillu ajunngitsumik sunniivigeqatigiittariaqarpusi.

Taamaattumik pingaaruteqarpoq ilaquattatit ikinngutitillu paasitissallugit piffissat sumut atorit.

Nuannarisatit isumagisassatillu oqaluttuarisakkit, aamma erloqinartorsioraangavit. Qanoq innersutit, aamma soorlu paasisatit ilikkakkatillu nutaat, oqaluttuarisakkit.

Suliffik attavigisartakkallu

Allat ilisimasaannik atuinissaq ilinniaruk

SULEQATIVIT oqaaseqartartoraatsit. Taakkualu naatsorsutigaat akissarsiatigut suliffimmilu atugarisatigut pitsangorsaaniarnermi peqataassasutit. Suliffimmi suleqatigiinnermik ineriertortitseqataassaatit. Tassa imaappoq suleqatitit sinnerlugit piumasaqartartuujutigalutit sulisitsisumik suleqatiginninnermut ineriertortitseqataas-saatit.

Ilami aamma suliassaqarfinit tamatigooqaat! Sumiiffimmi akissarsiat isumaqatigiinni-utigineqartarnerat, sulisoqarnermut politikki, suleqativit isumaginninnermut tunnga-sutigut apeqqutigisartagaat il.il. Feeriamut pilersaarutit, sulinerup pilersaarusiugaane-ra, erninermut atatillugu sulinngikkallarnerit, soraarnerussutisiassat allarpassuillu oqaluuserineqarlutillu apeqqutigineqartaannarput.

Kisianni attavigisassaqarputit: Isumagisassaqaleraangavit nuannaarutissaqaleraanga-villuunniit suleqatitit sulisartullu peqatigiiffianni attavigisartakkatit akuutinniartakkit tusartittarlugillu. Taakku aamma siunnersutissaqanngitsoornavianngillat.

Eqqaamajuk: Apeqquutit tamaasa akissutissaqartereertariaqanngilatit ernummatigi-sariaqarnagillu – immaqami allat akissutissaqareerput. Imaaliallaannaq akissutissa-qanngikkaanni ilisimasaqassajunnartumut allamut innersuussisinnaaneq sanngiissu-taanngilaq, nukittoqutaaginnarpoq – soorlu sulisartut peqatigiiffiata allaffianut, SIK-p allattoqarfianut immaqalu allaat www.sik.gl-imi "Apeqquutigineqarajuttut"-nut.

Aammattaaq ataatsimiinnerni pikkorissarnernilu sulisut sinnisaannik allanik naapita-qassaatit. Taakku aamma attaveqarfigillualersinnaavatit suliffivit sulisartullu peqati-giiffiata ilaasortaaffigisavit saniatigut.

Nalunngiliuk?

- SIK 5.000-init amerlanerusunik ilaasortaqarmat
- Kattuffik 24-nik immikkoortorta-qarmat
- Kattuffik inuuusuttunut immik-koortortaqarmat: SIK-p Inuuusutai (Januaari 2020)



Qanoq ingerlaqqissinnaasutit

Attaveqaqatigiilluarneq aalajangiisuulersarpoq

SULISUT sinnisaattut qanoq pikkorissunngornissaq imaaliallaannarlugu oqaatigineqarsinnaanngilaq. Suliffit tamarmik immikkut ileqkoqarfiugajupput. Suliffinni minnerni oqaannarlutik aalajangiisinnaasarput. Suliffinni annerusuni suleqatigiinneq suleqatigiinnermut ataatsimiitaliatigut ingerlanneqartarpooq.

Piffissami akisussaaffiit aalajangigassallu annertuumik sulisunut siammartiterneqarfianni sulisunut sinnisuulluni oqimaaqatigiissaariniarneq ajornakusoorsinnaavoq. Tamatuma peqatigisaanik suliffiup sulisullu sinnisaasa akornanni erseqqissunik isumaqatigiissuteqartarnissaq pingaaruteqarnerujartuinnarpoq.

Suliassani amerlasuuni erseqqissumik paasuminartumillu saqqummiussisarnissat pingaaruteqarpoq. Inuit oqaloqatigisassat assigiinngittaqigamik. Tamatumani paasi-neqarnissaq naatsorsuutigineqarnissarlu ilungersuutigisariaqartarpooq. Attaveqaqtigiilluaraanni paasissutissilluaraannilu nukittuumik sunniuteqarluartumillu pinissaq qularnannginnerusarpoq. Pikkorissarnernut peqataanikkut tamatumani nukitorsarsinnaavutit, taamalu suleqatinnit sulisitsisunnillu tatigineqarnerulerludit tapersorsorneqarnerulerlutillu.

Sulisut sinnisaattut ineriertornissat

Pikkorissarnikkut sakkussalersorneqassaatit

INUIAQATIGIINNI ineriertornerup – illillu inisisimaffivit pingaaruteqartup – nutaanik suliassaqalersillutillu pikkorissarnissamik pisariaqartitsilersissavaatit. Sulisut sinnisaattut qinigaaguit sulisartut peqatigiiffiata ilaasortaaffivit sulisut sinnisaannik ataatsimeeqateqartarnerinut ilaasalissaatit. Taamaalillutit SIK-p iluani suleriaatsit sungiukiartulissavatit, taamalu aamma pikkorissarnermut *Immikkoortoq* 1-imut peqataanarisinnaalissallutit sulisartut peqatigiiffiat aqqutigalugu.

Kingusinnerusukkut SIK-mit attaveqarfigineqassaatit pikkorissarnermut *Immikkoortoq* 2-mut peqataanissat pillugu. Pikkorissarnerni ullormusiaqartinnejqassaatit pikkorissarneq illoqarfimmi allami najugarinngisanni ingerlanneqarpat. Akissarsiatigullu annaasa-qassaguit taakku matussutissaqartinnejqarumaarput.

Pikkorissarnerit ingerlanneqartarput pikkorissartut tunuliaqutaat aallaavigalugit. Sammineqartarpullu sulisut sinnisaattut inisisimanerup suliassartai kiisalu isumaqatigiis-sutilerinermi sulisoqarnermilu ilisimasariaqakkat.

Ilisimasariaqakkat paasissutissallu

- *nammineq aaneqarsinnaasut*

TUNNGAVIUSUTIGUT pingaaruteqarpoq sulisut sinnisaat pillugit isumaqtigiissutip atuarluarnissaa. Sulisut sinnisaata isumagisassaanik aalajangersakkat isumaqtigiissummi tassaniippuit. Taamatuttaaq pingaaruteqartigaaq akissarsiat sulinermilu atugassarisat pillugit isumaqtigiissutit suleqatinngut tunngassuteqartut atuarluassal-lugit.

SIK-p internettikkut nittartagaani www.sik.gl-imi paasissutissarpassuarnik pisinnaavutit. Tassani quppernermi "*Isumaqtigiissutit*"-ni isumaqtigiissutit ilinnut attuumassuteqartut tamaasa aasinnaavatit. Aammalu inatsisinik malittarisassanillu sulinermut tunngasunik tamalaanik aallerfissaqarpoq.

Qupperneq "*Aeqqutigineqarajuttut*" apeqqutinik atorfinititaanermut suliffeqarner-mullu tunngasunik assigiinngitsorpassuarnik erseqqissunik naatsunillu akissutissarsif-fiuvoq.

"*Suleriaatsinik allattukkat*" ulluinnarni isumagisassanik minnerusunik annerusunillu naammassinninniarninni ikiutaassapput. Allattukkat ilaat aaginnarneqarsinnaapput nittartakkami quppernermi uani: "*Immikkoortortaqarfiiit*". Allat immikkoortortaqarfimmut imaluunniit SIK-p allattoqarfianut saaffiginninnikkut pineqarsinnaapput, ilaa-tigut tassaasut suliffinni soraarsitsinernut imaluunniit soraarsitsiniarnernut tunnga-tillugu illit qanoq iliorsinnaaninnut najoqqutassiat.





SIK pillugu paasissutissat naatsumik

- Sulinermit Inuussutissarsiuteqartut Kattuffiat, SIK, 1956-imi pilersinneqarsimasoq ullumikkut 5.000-it sinnerlugit ilaasortaqartoq Kalaallit Nunaanni sulisartut kattuffiisa annersaraat.
- SIK-p akissarsiat sulinermilu atugarisat pillugit assigiinnngitsunik 17-inik isumaqtigiiissuteqarpoq.
- SIK Isumaginninnermut Aningaasaateqarfeqarpoq ilaqtariinni peruluutaasumik napparsimasoqarnerani bilsinut, ineqarnermut aningaasarsiatigut annaasanut matussutissanik qinnuteqarfiusinnaasunik.
- SIK Sulinnigiffeqarluni Angalanermut Aningaasaateqarfeqarpoq ilaqtariit nunatsinni Danmarkimulluunniit feeriassutissaannik ukiut tamaasa qinnuteqarfingeqartartumik.
- SIK-p isumaqtigiiissutai malillugit sulisut soraernerussutisiassaminnik katersisarput soraernerussutisiassanik aningaasaateqarfimmi SISA-mi.

Sulinermit Inuussutissarsiuteqartut Kattuffiat
Issortarfimmut 11, Postboks 9, 3900 Nuuk
e-mail sik@sik.gl telefon 32 21 33